

**ORDENANTZA FISKALA, SAN JOSÉ UDAL HILERRIKO ZERBITZUENGATIK
ORDAINDU BEHARREKO TASAK ARAUTZEN DITUENA.
15. ordenantza**

Oinarria

1. artikulua.- Ordainarazpen hau Nafarroako Toki Ogasunei buruzko martxoaren 10eko 2/1995 Legearen Lehen Tituluko IV. Kapituluko 7. Atalean xedatutakoari jarraikiz eta haren 12. artikuluan emandako baimenaren babesean ezarri da.

Zergapeko egitatea

2. artikulua.- Zergapeko egitatea Udal Hilerrian honako zerbitzu hauek emateak sortzen du, salbu ongintzako kasuetan:

- a) Ehorzketak eta berrehorzketak
- b) Desehorzketak.
- c) Panteoietako gorpuzkiak garbitzea
- d) Lurreko hilobien, nitxoien eta kolunbarioen emakida
- e) Nitxoien behin-behineko okupazioa, panteoiak eta kaperak konpondu bitartean
- f) Hilobi-emakiden titularrak aldatzea
- g) Errausketak.

Subjektu pasiboa

3. artikulua.- Kasuan kasuko tasa ordaintzera beharturik dago zerbitzua ematea eskatzen duen pertsona natural edo juridiko oro, hura baita subjektu pasiboa.

Tarifen aplikazioa

4. artikulua.- Hilerrri honetako beste hilobi batzuetako gorpuzkiak beste nitxo batean ehorztean, tasak hobitik ateratzeagatik eta ehorzketagatik ordaindu beharko dira, salbu gorpuzkiak beste behin atera badituzte hobitik, halako kasuetan ez baita tasarik ordainduko. Gorpuzkiak beste hilerrri batetik ekarri badituzte, berriro ere ehorzteagatik bakarrik ordaindu beharko da tasa.

5. artikulua.- Errausketetako errautsak, hilotzenak zein gorpuzkienak, gorpuzkien hobiratzeak izanen balira bezala hartuko dira, Ordenantza honen ondorio guztietarako.

6. artikulua.- Hilotzak edo gorpuzkiak okupaturik dauden nitxo eta kolunbarioetan ehorzteko ematen diren lizentziak emakida berritatzat hartuko dira, eta IV. epigrafeko tarifei epigrafe horretako 5. puntuan aurreikusitako beherapena aplikatuko zaie, aurreko emakida edo haren luzapena eman zenetik igaro den urte bakoitzeko.

Gorpuzkiak urritu behar diren kasuetan, gorpuzkiak desehorzteari dagokion tarifa aplikatuko zaio urritze bakoitzari.

7. artikulua.- Hilobien emakiden luzapenetan, eskaera egitean indarra duen tarifa aplikatuko da, Hilerrriari buruzko Ordenantzaren 15. artikuluan aurreikusitakoarekin bat.

Kudeaketarako eta diru-bilketarako arauak

8. artikulua.- 1) Zerbitzua emateko eskaera zuzenean partikularrek eginez gero, ordainketa Udaleko Diruzaintzan eginen da, zerbitzuaren eskaerari erantsitako autolikidazioarekin bat egin ere.

2) Zerbitzua emateko eskaera hileta-enpresek eginez gero, Udalak hilean behineko likidazioak onetsiko ditu, non enpresa horietako bakoitzak eskatutakoaren ondorioz sortutako tasak jasoko baitira.

3) Hilobi-emakidetan titulartasuna aldatzen bada, aldaketa baimentzeko Ebazpenean likidatuko da tasa, eta Ebazpen horretan ezarritako epean ordainduko da.

Xedapen gehigarriak

9. artikulua.- Ordenantza honetan aurreikusi ez den gai orotan, San José Udal Hilerrria arautzen duen Ordenantza hartuko da arau osagarri gisa.

TARIFA-ERANSKINA

I. EPIGRAFEA.- EHORZKETAK ETA BERREHORZKETAK-	
- Panteoi eta kaperetan	65,75 euro
- Nitxoetan	67,80 euro
- Hobietan	198,40 euro
- Gorpuzkiak	53,45 euro

II. EPIGRAFEA.- DESEHORZKETAK.	
- Hilotzak	59,60 euro
- Gorpuzkiak	47,25 euro

III. EPIGRAFEA.- PANTEOIETAKO GORPUZKIAK GARBITZEA.	
- Lehen gorpuzkia	59,75 euro
- Hortik gorako gorpuzki bakoitzeko	23,35 euro

IV. EPIGRAFEA - LURREKO HILOBIEN, NITXOEN ETA KOLUNBARIOEN EMAKIDA.	
1.- Hobiak	
a) 10 urteko emakida, luzapen bakar batekin:	
- 10 urteko emakida	676,50 euro
- Luzapen bakarra, 10 urtekoa	436,55 euro
b) Haurrendako emakida (10 urte bitarte):	
- 10 urteko emakida	259,85 euro
- Luzapen bakarra, 10 urtekoa	259,85 euro
2.- Nitxoak	
a) 10 urteko emakida, mugarik gabeko luzapenekin:	
- Luzapen bakoitzeko:	317,15 euro
b) 10 urteko emakida, luzapen batekin edo birekin:	
- 10 urteko emakida	404,00 euro
- Luzapen bakoitzeko (10 urtekoa)	317,15 euro
c) Haurrendako nitxoaren emakida (10 urte bitarte), luzapen batekin edo birekin:	
- 10 urteko emakida	237,45 euro
- Luzapen bakoitzeko (10 urtekoa)	237,45 euro
3.- Gorpuzkiendako kolunbarioak	
a) 10 urteko emakida	127,45 euro
b) Luzapen bakarra, 10 urtekoa	127,45 euro
4.- Errautsendako kolunbarioak	
a) 10 urteko emakida	177,55 euro
b) Luzapen bakarra, 10 urtekoa	127,45 euro
5.- Nitxo edo kolunbarioen emakida berria, baldin eta ehorzketa beste zenbait gorpuzki edo errauts-kutxatila dituen hilobi batean egiten bada: 2., 3. eta 4. idatzi-zatietako tarifei % 10eko murrizketa aplikatuko zaie aurreko emakida edo horren luzapena amaitu arte igaro behar duen urte bakoitzeko.	

V. EPIGRAFEA.- NITXOEN BEHIN-BEHINEKO OKUPAZIOA, PANTEOIAK ETA KAPERAK KONPONDU BITARTEAN.	
- Hilabete edo horren zatiki bakoitzeko	6,45 euro

VI. EPIGRAFEA - HILOBIEN EMAKIDEN TITULARRAK ALDATZEA.	
- Titulartasun aldaketa bakoitzeko	97,65 euro

VII. EPIGRAFEA – ERRAUSKETAK.	
- Hilotz baten errausketagatik	242,25 euro
- Gorpuzkien errausketagatik	97,55 euro